

## **DURNYAŊ KIKE BE KEYILI KPRA TA LAŊE DIMEDI KIKE BE KUMU SO BE ASHYEŊ NĘ MOBE KASHINTEŊ AKPA**

### **ASHEŊFESO**

Kepin nę kemaŋkura, dimedi be eyilikpa nę mobe kumu so be ashęŋ e la mobe kashinteŋ nę eyur-wushi be egbel-tulwase.

Kedo nę kekplaj dimedi be kashinteŋ ere so e naa bra barkonę, a duu mféra lubi dimedi be kumu to, n naŋ shi nę durnyaŋ to dimedi bu kebaa malga yęlyela, eborešhuŋ, kayenjı-yenjı nę kanyę kii ashęŋ kpakpa so bebolpo kuto.

Ku daga fanę awura-sheŋ be mbra ka bee kuŋ dimedi be kashinteŋ n sa maa shi nę eko maa kini mo barkasa nko a nyar mo.

A daga keteŋi efuli-ana be kakurwe kelepo so.

Yunated Neshin be baasa sa yerdə kawol to ta a laŋs baasa be kashinteŋ-kpra nę bumode eyilikpa nę bu tiŋ tenjı bumobe kachena nę kebawotō lęla be akpa so. Efuli-ana nę a wō konoŋkowole ere to bɔ ntaŋ fanę baŋ pę abar be nsher to n nya bunyan nę kemaŋkur kashinteŋ ere to.

Ekama be kepin kashinteŋ nę kumu so be ashęŋ ere e la demu kpra nę ku been chę to n tenjı ntaŋ ere so. Naniere, kumo so.

Durnyaŋ kike be nsher gboŋ nna yili dimedi kike be kumu so be ashęŋ nę kashinteŋ ere.

Amuso, Kamalga ere to

### **BEE IJINI FANĘ "GENERAL ASSEMBLY" BEE**

Kanę ekama fanę kayili nę kuwo kawol ere to la amo nę a been wɔrɔ anfaani nsa ekama mo ne ewɔ efuli nna so. Ekama nta n-ya mata durinya kike be mmalga yiliso so. Adaga efuli kike eshuli n sa kamalga mo nę kuwo kawal ere to nta kumo nki kapate nsa anye. Nsa nę kamalga ere eluri efuli kike nęne: epeňi petekpa, epeňi-tɔrkpa, banaso, jisaso kuso nę adaga anye kike ewuro nna ela.

### **Demu 1**

Bu kurwe dimedi kikε mobe kumu so, nε mobe, eyilikpa, kesherj nε kashinter  
maŋ kɔr eko peyε to. Nyinpela sa dimedi kikε lakal nε mfεra fanε bu chena  
abarso kelepo so.

## Demu 2

Ekama kɔ ekpa ta a lanε kashinterj ere kikε nε kumu so be ashεn nε a wɔ keyili  
kpra ere to nε nkpiεto kikε maŋ wɔtɔ ashi yiri, kawol be ndu li, kenyεn/keche,  
ngbar, ebɔrε shuŋ, kumu be kekeni nko lakal ko, efuli so nko kebawɔtɔ be ekpa  
so, kapitε, kakurwe nko eyilikpa ko be kabaso.

N naŋ tii so, nkpiεto kikε e sa maŋ wɔtɔ ta a yo kumu be kekeni to, demu-ji to,  
nko efuli nε fo shi be eyilikpa durnyaŋ to nε loŋ be efuli nna suwe kumo kumu a  
keni kumo kumu so, nko efuli ko e naa keni kumu so ekpa ko so.

## Demu 3

Ekama kɔ kashenteenj nε mobe efute nε mobe kumu be kekuŋ.

## Demu 4

A maŋ daga nε eko e baa wɔ kenyanya nko kanyan to. Kenyaya, kenya-to nε  
kenya-fa be ekpa kama so daga ku ju.

## Demu 5

A maŋ daga bu ka nyanj eko nko n wɔtɔ mo ebasa to, nko n gberge mo kusoe.

## Demu 6

Ekama kɔ kashinterj, kapitε-kama nε e wɔ nε bu pin fanε esa e la mo mbra be  
ekpa so.

## Demu 7

Ekama na la kukonjwule nna mbra be ekpa so, a daga ne mbra na e kunj ekama ne nkpieto maŋ wɔtɔ.

### **Demu 8**

Ekama kɔ kashinten ne bu yolge mo ashi efuli na be demu-ji akpa ne e ya dɔ kashinten kpra ne mbra yili mo nna so.

### **Demu 9**

Ekama maŋ daga ne bu pε mo jiga-jiga so, nko ne bu tii mo ebu nko n ju mo jiga-jiga so.

### **Demu 10**

Ekama kɔ ekpa ne edemu-ji kpa ne a wo amobe amu so, a maa kpiɛ to na ne a mige mo to nene ne jama kikɛ e nu ta a laŋɛ mobe kashinten, asheŋ daga so ne kusoe gberge ne baŋ sa mo.

### **Demu 11**

1. Ekama ne bu fa fo, fo kɔ kashinten ne fo keni kefa nna, amo bu ji na mbri fo mbra be ekpa so jimaa to ne fo maŋ tij chɛ fo kɔnɔ.
2. A maŋ daga ne bu fa ekama nkpal kesheŋ ne ku maŋ daga kusoe gberge so ashi efuli na nko efuli-ana kikɛ be mbra so, saŋɛ ne e wɔrɔ la be kesheŋ na. A maŋ naŋ daga ne bu gberge esa kusoe ne ku baa cho kumo ne bu junkpar n sa mo saŋɛ ne e wɔrɔ loŋ be kesheŋ nna.

### **Demu 12**

A maŋ daga ne fo luri fo barkasa be asheŋ to jigajigaso, mo dawule, mobe keyale nko mobe kebɔaya akpa, nko ne fo tige fo barkasa be jilma ne mobe eyilikpa so. Ekama kɔ kashinten ne mbra na e kunj mo ashi baasa be kebaa luri mobe asheŋ to ne ketige nko nduwɛ mobe jilma so.

## Demu 13

1. Ekama kɔ kashinteŋ nε e baa nite mobe kumu so yεlyεla n naŋ tiŋ chena mobe efuli so.
2. Ekama kɔ kashinteŋ nε e ler efuli kikε so, nε mobe efuli so gba n naŋ tiŋ m bεta m ba mobe efuli so.

## Demu 14

1. Ekama kɔ kashinteŋ nε e yo efuli ko so n ya mɔlwe mobe kumu.
2. Nε bu fa esa kumobe ekpa so nkpal ashuŋ lubi nε e maa liε efuli na be kumu be kekeni be ekpaso nko asheŋ nε a bee dɔɔ kɔnɔkɔnɔwule be mbra na so, le be kashinteŋ maŋ wɔtɔ.

## Demu 15

1. Ekama kɔ kashinteŋ nε e shi efuli ko so.
2. A maŋ daga kekini eko mobe efuli so be keshi jiga-jiga nko n kini mobe kechεrga efuli nε e shi na so.

## Demu 16

1. Benyεn nε beche ya bulɔ, bu kɔ kashinteŋ nε bu kil n tanε kanaŋ nε shεŋ maa kuŋ bumo fanε yiri, efuli nε bu shi na so, nko kananε baa bunyaŋ ebɔrε. Bu kɔ kashinteŋ koŋwule ashi kakil to nε kakil gberŋi so to.
2. Pɔε nε baasa e kil abar, a daga nε bumo-wura-ana be kenyi kikε e baa wɔ kakil na to.
3. Kanaŋ la ebɔrε so be kesheŋ na n naa la baasa to be katuŋ junkpar po nε a daga nε jamaa nε efuli kikε e baa kuŋ kumo.

## Demu 17

1. Ekama kɔ kashinten̄ nε e baa kɔ mobe kumu so be kapite nko mo nε mo bra-ana.
2. A man̄ daga kepuni nko m mon̄ eko mobe kapit̄.

### Demu 18

Ekama kɔ mobe kumu so be mf̄era be kashinten̄, lakal nε kanan̄ e bee bunyan̄ eb̄ore. La be kashinten̄ tii mobe kech̄erga kanan̄ e bee bunyan̄ eb̄ore nko mobe yerd̄a, nε mobe kumu so be keshuŋ̄ eb̄ore-shuŋ̄ mo nawule nko mo nε mo bra-ana.

### Demu 19

Ekama kɔ mobe mf̄era nε kamalga be kashinten̄. La be kashinten̄ tii kumu so be mf̄era be kef̄ nε shεŋ̄ maa kuj̄ mo, e naa kɔ mobe kashinten̄ nε e fin, n nya nko n sa keboaya nε lakal ekpa kik̄ so nε mbarga kik̄ man̄ wɔt̄o.

### Demu 20

1. Ekama kɔ mobe kashinten̄ nε e ba wɔ kagbenewushi be nsh̄er to.
2. Bu maa nyaŋ̄ eko a wɔt̄o nsh̄er ko to.

### Demu 21

1. Ekama kɔ kashinten̄ nε e baa wo efuli so be awura-sheŋ̄ to mo gbagba nko nε bu lara ba sa yεlyεla so nε bu yili bum̄o be ntilemu.
2. Ekama kɔ kashinten̄ nε eji mobe efuli so be kusɔn̄e ku la ekama peȳe be tun̄ kanan̄ eko gba been̄ ji kumobe tun̄ nna.
3. Baasa be aparsheŋ̄ a daga a ka la awura-sheŋ̄ be egbel tulwase la be aparsheŋ̄ daga nε a shi saŋ̄e saŋ̄e be kɔnkɔŋ̄ be kel̄e kashinten̄ be ekpa so n naa la ekama be kesheŋ̄ nε baa lε kɔnkɔŋ̄ nna kegbiant̄o nko kumo nε ku bε kɔnkɔŋ̄ be kel̄e be mbra so.

## **Demu 22**

Fo kama nε fo wɔ baasa to, fo kɔ kashintεŋ nε baasa e kuŋ fo, a daga nε fobe efuli so nε efuli-ana kikε ka pε abar be kasher to, efuli-ana be keblase to nε amobe kapitε be albarka to nε fo nya eyilikpa nε naŋkur nε ku daga fo dimedi nε dankare be ekpa so.

## **Demu 23**

1. Ekama kɔ kashintεŋ nε e shuŋ kushuŋ, nε e fin mobe kumuso be kepar ke Kushuŋ n naŋ shuŋ kushuŋ mbra be ekpa so n naŋ kuŋ mobe kumu ashi ketase fuloŋ to.
2. Ekama kɔ kashintεŋ nε bu ka mo kakɔka koŋwule nε kushuŋ koŋwule nε nkrieto kikε manj wɔtɔ.
3. Ekama kɔ kashintεŋ nε e ji mobe kushuŋ be tunɔ, mo nawule nko mo nε mobe keyale nε e naa wɔ kebawɔtɔ nε ku daga dimedi, n naŋ fin kechεtɔ ko nε ku daga ashi baasa kuto.
4. Ekama kɔ kashintεŋ nε e baa wɔ beshumpo be kɔnɔkoŋwule to nε bu baa kuŋ mobe aparsheŋ.

## **Demu 24**

Ekama kɔ kashintεŋ nε e wushi ashi mobe kushuŋ akpa nε mobe ketase fuloŋ to, kushuŋ na be jemanε e sa manj pɔɔ eshumpo na so nε e naŋ nu ebel ashi saŋε saŋε be ewushi nε ku kɔ kakɔka.

## **Demu 25**

1. Ekama kɔ kashintεŋ nε e ba wɔ kebawɔtɔ lɛla to, mo nε mobe keyale, ta alaŋε eyur be alemfia, ajibi-ji so, asɔ-buuso, kowu chena so to nε kusɔ kama nε ku la jamaa peyε, e naa kɔ kashintεŋ nε e kuŋ mobe kumu saŋε nε e manj naa wɔ kushuŋ to, nε e ka wɔ kulɔ to, nε kekulwu to, nε kenimu to nko kebawɔtɔ ko nε ku manj duli mo.

- Kenio to nε kebia to, kikε daga kekeni so nεnε n naŋ daga kechε to. Mbia nε bu kurwe kakil to nko kejipo to daga kakuŋ koŋwule.

## Demu 26

- Ekama kɔ kashintεŋ nε e nya kebala nε kabii. Kebala nε kebii daga nε bekekarsø na e nya kumo yεlyεlya. Kebala nε kebii kekarso beeŋ ba la boshinε. A daga ekama ka nya eno to nε broní be ashuní be kebala nε kebii; benimu maleŋ be kebala nε kebii maleŋ daga nε ku bε kenyi so.
- Kebala nε kebii beeŋ liε dimedi be eyur kudu-anyɔ kikε, n naŋ wɔtɔ eleŋ to, jilma ta a laŋε dimedi be kashintεŋ nε mobe kumu so be ashεŋ kpra ere. Ku beeŋ teni kenu-n-sa-abar so, kanyiti nε kenakpa efuli-anan to, yiri nko ebɔrε be beshumpo be ntunso-ana to, n naŋ teni. Durnyaŋ be efuliana be kɔnɔkɔŋwule be kebawɔtɔ kikε nε karbene wushi e baa wɔtɔ.
- Benawura-ana kɔ kashintεŋ nε ekpa nε bu lara kebala nε kebii be ekpa nε ku daga bumobe mbia.

## Demu 27

- Ekama kɔ kashintεŋ mobe kumu so nε e tiŋ wɔrɔ mobe baasa be adankaresherε n naŋ tiŋ ji adankare be asɔ lɔŋε so nε kabre be kachε be kinishi buwi be kenyi be tunɔ.
- Ekama kɔ kashintεŋ nε ekpa nε e kuŋ mobe kumu so nε kebeleŋ be kushunε.

## Demu 28

A daga nε ekama e nya dimedi nε efuli-ana kikε be kebawɔtɔ, nε kashintεŋ nε kumu so be ashεŋ nε a wo keyili kpra ere to e kurwe ebi lεla.

## Demu 29

- Ekama kɔ mobe kushunε baasa to, bumo to nε e bee kii esa lεla.

2. Ne esa bee bo mobe kashinten ne kumu so be asheng so a daga ne e baa de mbra so, sañg na so e maan tor mo barkasa ko be geshi to, loñ e been wɔrɔ kusone ku daga ne asheng e be abar so nene ne yε-nε-n-yε be kebawɔtɔ e nya edesekpa baasa to.
3. Kashinten ne kumu so be asheng ere man daga ku wɔrɔ amo m foe ekpa kananε durnyañ be efuli-ana be kɔnɔkonwule yili kumo nna.

### Demu 30

Shεŋ man wɔ kawol ere to a ñini fanε efuli ko pkelen, baasa nko esa ko dawule peyε nna, amoso eko man kɔ ekpa ne e wɔrɔ kesheŋ ko ne ku been jija kashinten ne kumu so be asheng ne a wɔ kawol ere to.